

# Тропари, кондаки и величания иконам Божией Матери

1/14 сентября

Иконы Божией Матери

«Черниговская-Гефсиманская»

*Тропарь, глас 5-й*

Пречистая Владычице Богородице, упование всех христиан, понеже инаго упования не имамы разве Тебе, всенепорочная Владычице моя, Госпоже Богородице, Мати Христа Бога моего. Темже помилуй и избави мя от всех зол моих и умоли милостиваго Сына Своего и Бога моего, да помилует окаянную душу мою, и да избавит мя от вечныя муки, и сподобит мя Царствия Своего.

*Кондак, глас 6-й*

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

Иконы Божией Матери «Всеблаженная»

*Тропарь, глас 4-й*

Торжество днесь празднуем светлое, се бо предлежит, о Всеблаженная, икона Твоя всечестная, к нейже с любовью сердца вси приходяще, Владычице, покланяемся и тепле Тебе вопием: избави нас от бед и обстояний.

*Кондак, глас 4-й*

Во праздник Твой сошедшеся, вернии, священное ко славе Божией торжество

Твое, Владычице, днесь всеблагоевейно совершаем, любовию же чтуще честную икону Твою, Тебе песнословим вси в радости: радуйся, Дево, Честная Всеблаженная.

4/17 сентября

Иконы Божией Матери

«Неопалимая Купина»

*Тропарь, глас 4-й*

**И**же во огне купины неопалимая, древле Моисеем виденная, тайно воплощения Своего от неискусобрачная Девы Марии прообразовавый, Той и ныне яко чудес Творец и всея твари Создатель икону Ея святую чудесы многими прослави, даровав ю верным во исцеление недугом и в защищение от огненнаго запаления. Сего ради вопием Препоблагословенней: Надеждо христиан, от лютых бед, огня и грома избави на Тя уповающия, и спаси души наша яко Милосерда.

*Другой тропарь, глас тот же*

В купине, огнем горящей и несгораемей, показавый Моисеови Пречистую Твою Матерь, Христе Боже, огонь Божества неопальне во чреве приемшую и нетленну по Рождестве Препобывшую. Тоя молитвами от пламене страстей избави нас и от огненных запалений град Твой сохрани, яко Многомилостив.

*Кондак, глас 8-й*

Предочистим чувства душ и телес наших, да видим таинство Божественное, образно явленное древле великому во пророцех Моисею купиною, горевшею огнем и не сгаравшею, в нейже Твоего безсеменнаго рождества, Богородице, предвозвещение исповедуем и, благоговейно покланяющася Тебе и рождшемуся из Тебе Спасу нашему, со страхом вопием: радуйся, Владычице, покрове, и прибежище, и спасение душ наших.

8/21 сентября

Иконы Божией Матери София,

## Премудрость Божия (Киевская)

### *Тропарь, глас 1-й*

Превечная Премудросте, Христе Боже наш! Божественным смотрением Своим преклонивый небеса, благоволил еси вселиться во утробу чистыя Отроковицы, средостение вражды разрушив, освятил еси естество наше и Царствие Твое нам отверзл еси; сего ради Тебе, Творца нашего и Избавителя, и Рождшую Тя, спасения нашего тайне послужившую Деву Чистую, православно величаем.

### *Другой тропарь, глас 4-й*

Велия и неизреченная Премудрости Божии сила смотрения плотскаго таинства, Софии преименитая, девственных душе и неизглаголаннаго девства чистоте, смиренныя мудрости истине, покоище Святаго Духа, пречестный храм непостижимыя славы Его, огнезрачный престоле Христа Бога нашего, в Тя бо вселися неизреченно Слово Божие, и плоть бысть, невидимый явися, и неприкосновенный из Тебе изыде, и с человеки поживе, врага исконнаго уловляя и человеки от клятвы древняя свободя, возводя паки, отнюдуже испадохом. Молим ти ся, Владычице, отягченныя ны во гресех лютых помилovati и спасти души наша, и яко человеколюбивая и милосердая Царица, Мати Премудрости Божия Слова, призри на ны, грешныя люди Твоя, и умилосердися, заступи от напастей и скорбей лютых и грады наша невредимы сохрани, идеже ныне имя Твое пресвятое боголепно славится.

### *Кондак, глас 4-й*

Притецем, православнии людие, к Премудрости Божии и видим чудотворную икону Пречистыя Богоматере, Юже именуем по явлению Софию, Премудрость Божию, зане храм бысть одушевлен Единороднаго Сына и Слова Божия. Сия убо светолучно сияет в пречестнем храме Своем и сердца наша веселит, приходящих с верою и взирающих со страхом и благоговением на пречистую сию икону, помышляюще в сердцах наших, яко воистинну Премудрости Божии есть селение и таинства Его смотрение, на упование бо верным воображение огнезрачное Ея зрим и покланяемся, яко истинному и пренепорочному Ея девству в рождестве и по рождестве паки; от Неяже изыде Огнь Божественный, попаляя тленныя страсти и просвещая души наша и чисты сотворяя, Имже и веки сотвори Отец, Той же и Мудрость, Слово и Сила наречется, сияние славы и Образ Отчи Ипостаси. И паки убо молим и, припадающе, лобызаем пречестную икону Премудрости Божия Матере и велегласно вопием: о Милосердая Владычице, спаси рабы Своя от насилия диаволя, от нахождения иноплеменных и междоусобных брани, яко Ты еси всех благих подательница и

покровительница притекающим к Тебе с верою и просящим велия милости.

8/21 сентября, также 23 июля/5 августа

Иконы Божией Матери «Почаевская»

*Тропарь, глас 5-й*

Пред святою Твоею иконою, Владычице, молящиеся исцелений сподобляются, веры истинныя познание приемлют и агарянская нашествия отражают. Темже и нам, к Тебе припадающим, грехов оставление испроси, помыслы благочестия сердца наша просвети и к Сыну Твоему молитву вознеси о спасении душ наших.

*Кондак, глас 1-й*

Источник исцелений и веры Православныя утверждение Почаевская Твоя икона, Богородице, явися, темже и нас, к ней притекающих, от бед и искушений свободы, Лавру Твою невредиму сохрани, Православие во окрест стоящих странах утверди и грехи разреши молитвенник Твоих: елика бо хочещи, можещи.

18 сентября/1 октября

Иконы Божией Матери «Целительница»

*Тропарь, глас 4-й*

**Я**ко пресветлая звезда, просия Божественными чудесы святыи Твой образ, Целительнице. Подаждь убо и нам, Богородице Марие, исцеление недугов душевных и телесных, спасение и велию милость.

*Кондак, глас 6-й*

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

12/25 октября

Иконы Божией Матери «Иерусалимская»

*Тропарь, глас 4-й*

Богородованная Владычице, препрославленная Мати щедрот и человеколюбия, всемилостивая о всем мире Ходатаице! Прилежно раби Твоя к Твоему предстательству прибегаем, и ко пречудному образу Твоему со умилением, припадающе, молимся: молитву теплую Сыну Твоему и Богу нашему сотвори, о Всепетая Царице Богородице, да от всяких болезней и печалей нас Тебе ради избавит, и от грехов всяких свободив, Царствия Своего Небеснаго наследники ны покажет: велие бо и неизреченное яко Мати к Нему дерзновение имаши и вся от Него испросити можеша, едина во веки Препоблагословенная.

*Кондак, глас 3-й*

Твоего предстательства уверение и милосердия Твоего явление икона Иерусалимская нам, Владычице, показася, пред нею же души наша в молитве изливаем и верою Тебе вопием: воззри, Милосердая, на люди Твоя, вся скорби наша и печали утоли, утешение благое в сердца наша низпосли и спасение вечное душам нашим, Пречистая, испроси.

*Другой кондак, глас 5-й*

Не отрини, о милосердая Мати, слез и воздыханий наших, но прошения наша милостивно приемши, пред Иерусалимскою иконою Твоею молящихся людей веру укрепи, умилением сердца их исполни, и крест земнаго жития нести им помози, елика бо хочещи можеша.

13/26 октября, также 12/25 февраля

и во вторник Светлой седмицы

Иконы Божией Матери Иверская

*Тропарь, глас 1-й*

От святых иконы Твоя, о Владычице Богородице, исцеления и цельбы подаются обильно, с верою и любовию приходящим к ней. Тако и мою немощь

посети, и душу мою помилуй, Благая, и тело исцели благодатию Твоею, Пречистая.

*Другой тропарь, глас тот же*

Дерзость ненавидящих образ Господень, и держава нечестивых безбожно в Никею прииде, и посланнии безчеловечно вдовицу, благочестно чтущую икону Богоматере, истязуют. Но тая нощию с сыном икону в море пусти, вопиющи: слава Тебе, Чистая, яко непроходимое море плещи своя подаде, слава правосшествию Твоему, едина Нетленная.

*Кондак, глас 8-й*

Аще и в море ввержена бысть святая икона Твоя, Богородице, от вдовицы не могущия спасти сию от врагов, но явилася есть хранительница Афона и вратарница обители Иверския, враги устрашающая и в православней Российской стране чтущия Тя от всех бед и напастей избавляющая.

15/28 октября

Иконы Божией Матери

«Спорительница хлебов»

*Тропарь, глас 3-й*

Пречистая Дево Марие, Мати Царя небеси и земли, благоутробно призираеши на любящих Сына Твоего, Христа Бога нашего, и труждающихся во имя Его вечнаго ради спасения, и подаеши им вся обильно к наслаждению.

Спорительнице сущи хлебов им, избавляя их всякия нужды и утеснения и устроая им, рабом Твоим сущим, избавление вечныя муки и жизнь вечную.

*Кондак, глас 6-й*

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

17/30 октября

Иконы Божией Матери «Избавительница»

*Тропарь, глас 4-й*

Избавление приносящая всем от сердца Тебе призывающим, принеси избавление скорое и нам, в лютых бедах прибегающим, и в Тебе единой избавление наше по Бозе полагающим.

*Кондак, глас 4-й*

Ко иконе Твоей, Пресвятая Госпоже, бедствовавшии с верою притекше, заступлением Твоим избавитися от злых, но яко Матерь Христа Бога, и нас свободи от лютых обстояний, временных и вечных, да зовем Ти: радуйся, Избавительнице от всех бед.

22 октября/4 ноября, также 8/21 июля

Иконы Божией Матери Казанская

*Тропарь, глас 4-й*

Заступнице усердная, Мати Господа Вышняго, за всех молиши Сына Твоего Христа Бога нашего, и всем твориши спастися, в державный Твой покров прибегающим. Всех нас заступи, о Госпоже Царице и Владычице, иже в напастех и в скорбех, и в болезнех, обремененных грехи многими, предстоящих и молящихся Тебе умиленною душою, и сокрушенным сердцем, пред пречистым Твоим образом со слезами, и невозвратно надежду имущих на Тя избавления всех зол, всем полезная даруй, и вся спаси, Богородице Дево: Ты бо еси Божественный покров рабом Твоим.

*Кондак, глас 8-й*

Притецем, людие, к тихому сему и доброму пристанищу, скорой Помощнице, готовому и теплomu спасению, покрову Девы. Ускорим на молитву, и потщимся на покаяние: источает бо нам неоскудная милости Пречистая Богородица, предваряет на помощь, и избавляет от великих бед и зол, благонравныя и богобоящияся рабы Своя.

24 октября/6 ноября

Иконы Божией Матери

«Всех скорбящих Радость»

*Тропарь, глас 4-й*

К Богородице прилежно ныне притецем, грешнии и смиреннии, и припадем, в покаянии зовуще из глубины души: Владычице, помози, на ны милосердовавши, потщися, погибам от множества прегрешений, не отврати Твоя рабы тщи, Тя бо и едину надежду имамы.

*Стихира (тропарь), глас 2-й*

Всех скорбящих Радосте, и обидимых заступнице, и алчущих питательнице, странных утешение, обуреваемых пристанище, больных посещение, немощных покрове и заступнице, жезле старости, Мати Бога Вышняго Ты еси, Пречистая: потщися, молимся, спаситися рабом Твоим.

*Кондак, глас 8-й*

Взбранной Воеводе победительная, яко избавльшеся от злых пришествием Твоего честнаго образа, Владычице Богородице, светло сотворяем празднество сретения Твоего и обычно зовем Ти: радуйся, Невесто Неневестная.

2/15 ноября, также 28 июля/10 августа

и во вторник Светлой седмицы

Иконы Божией Матери «Шуйская-Смоленская»

*Тропарь, глас 4-й*

Яко многоценное сокровище прият град Шуя чудесно написанную икону Твою, Пресвятая Владычице Дево Богородице, во исцеление лютыя язвы и во утешение православных, Тобою дарованную, от неяже источники благодатныя и донныне обильно изливаются. Пробави, Пречистая, и, на будущее время милости Твоя ведущим Тя, храни град Твой и всю Русскую землю и спасай людей, к Тебе с верою и любовью притекающих.



*Кондак, глас 6-й*

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

9/22 ноября

Иконы Божией Матери «Скоропослушница»

*Тропарь, глас 4-й*

К Богородице притецем, сущии в бедах, и ко святей иконе Ея ныне припадем, с верою зовуще из глубины души: скоро наше услыши моление, Дево, яко Скоропослушница нарекшаяся, Тебе бо ради раби Твоя в нуждах готовую Помощницу имамы.

*Кондак, глас 8-й*

В мори житейстем обуреваемии, треволнению подпадаем страстей и искушений. Подаждь убо нам, Госпоже, руку помощи, якоже Петрови Сын Твой, и ускори от бед избавити ны, да зовем Ти: радуйся, Всеблагая Скоропослушнице.

27 ноября/10 декабря

Иконы Божией Матери «Знамение»

*Тропарь, глас 4-й*

Яко необоримую стену и источник чудес стяжавше Тя, раби Твои, Богородице Пречистая, сопротивных ополчения низлагаем. Темже молим Тя: мир граду Твоему даруй и душам нашим велию милость.

*Кондак, глас тот же*

Честнаго образа Твоего знамение празднующе, людие Твои, Богородительнице, имже дивную победу на сопротивныя граду Твоему даровала еси. Темже Тебе верою взываем: радуйся, Дево, христиан похвало.

26 декабря/8 января

Иконы Божией Матери «Трех радостей»

*Тропарь, глас 4-й*

От святых иконы Твоя радости неизреченныя преисполнила еси сердце благочестивыя жены. О Пречистая Владычице мира, всемогущая Царице радости, Приснодево твари, егда возвратила оной и мужа, и сына, и достояние ея, такожде и всем нам милосердствуеши, даруй исполнение благих желаний, источая приснотекущий источник радости молящимся Тебе и вседушно вопиющим: Радость всему миру родившая, радости исполни неоскудевающая чтущих Тя.

*Кондак, глас 6-й*

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

12/25 января

Иконы Божией Матери «Млекопитательница»

*Тропарь, глас 1-й*

Без семени от Божественнаго Духа, волею же Отчею зачала еси Сына Божия. От Отца без матере прежде век суща, нас же ради из Тебе без Отца бывша, плотию родила еси и Младенца млекопитала еси. Темже не престай молити избавитися от бед душам нашим.

*Кондак, глас 5-й*

Душ наших чувства очищивше, узрим на иконе таинство преславное, Творца вселенной и Господа Вышних сил, во объятиих держима и от сосцу Твоею яко Младенца питаема, и, со страхом и радостию покланяющеся Тебе и рождшемуся от Тебе Спасу нашему, воззовем: радуйся, Владычице, жизни нашея

Питательнице.

21 января/3 февраля

Иконы Божией Матери «Отрада»

или «Утешение»

*Тропарь, глас 4-й*

О покров благодатный и спасительный стяжахом честную Твою икону, Богородице. На сию убо со умилением взирающе, Тебе вопием: Владычице низпосли отраду и утешение; на Тя упование возлагаем грешнии и смиреннии, на Твое предстательство надеемся недостойнии, ускори нас избавити от бед и скорбей, и умоли Сына Твоего, Христа Бога нашего, помиловати и спасти души наша.

*Кондак, глас 6-й*

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

25 января/7 февраля

Иконы Божией Матери «Утоли моя печали»

*Тропарь, глас 5-й*

Утоли болезни многовоздыхающия души моя, утолившая всяку слезу от лица земли: Ты бо человеком болезни отгониши и грешных скорби разрушаеши, Тебе бо вси стяжахом надежду и утверждение, Пресвятая Мати Дево.

*Кондак, глас 6-й*

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление,

предстательствующи присно, Богородице, чтущих Тя.

5/18 февраля

Иконы Божией Матери «Взыскание погибших»

*Тропарь, глас 1-й*

Радуйся, Благодатная Богородице Дево, во объятиях Своих Превечнаго Младенца и Бога носившая. Проси Его дати миру умирение и душам нашим спасение. Сын бо Тебе, Богомати, вещает, яко вся прошения Твоя во благое исполнит. Сего ради и мы припадающе, молимся и надеющиися на Тя, да не погибнем, имя Твое именуем: Ты бо еси, Владычице, Взыскание погибших.

*Кондак, глас 6-й*

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

6/19 февраля

Иконы Божией Матери Елецкая-Харьковская

*Тропарь, глас 4-й*

К Богородице прилежно ныне притецем, грешнии и смиреннии, и припадем, в покаянии зовуще из глубины души: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи, Тя бо и едину надежду имамы.

*Кондак, глас 5-й*

На неувядаемом древе угоднику явившись, Твое же предстательство всем молящимся присно являющи, Владычице, и нашего не отврати смиреннаго моления, но прегрешений наших прощения испроси и, скорби душ наших отъемлющи, благодарственное наше приими поклонение, да любовьию Тя во веки славим, Всепетая.

2/15 марта

Иконы Божией Матери «Державная»

*Тропарь, глас 8й*

Ангелов лица благоговейно Тебе служат и вся Небесныя силы немолчными гласы Тя ублажают, Богородице Дево, усердно молим Тя, Владычице, да пребудет Божественная благодать на честней иконе Твоей Державней и светозарный луч славы чудес Твоих да нисходит от нея на всех с верою Тебе молящихся и вопиющих Богу: Аллилуия.

*Кондак, глас 8-й*

Взбранной Воеводе победительныя песни приносим, яко даровася нам Держава Твоя, и ничесоже устрашимся, не от мира бо спасение наше, но превознесенныя Владычицы милосердием ограждаемся и тому днесь радуемся, яко прииде Заступница на стражу земли Своя.

7/20 марта, также 29 мая/11 июня

Иконы Божией Матери «Споручница грешных»

*Тропарь, глас 4-й*

Умолкает ныне всякое уныние и страх отчаяния исчезает, грешницы в скорби сердца обретают утешение и небесною любовью озаряются светло: днесь бо Матерь Божия простирает нам спасающую руку и от Пречистаго образа Своего вещает, глаголющи: Аз Споручница грешных к Моему Сыну, Сей дал есть Мне за них руже слышати Мя выну. Темже, людие, обремененнии грехми и скорбьми многими, припадите к подножию иконы Ея, со слезами вопиюще: заступнице мира, грешным Споручнице, умоли Матерними Твоими молитвами Избавителя всех, да Божественным всепрощением покрывает грехи наша и светлыя двери райския отверзет нам, Ты бо еси предстательство и спасение рода христианскаго.

*Кондак, глас 1-й*

Честное жилище бывшее неизреченного естества Божественного выше слова и паче ума и грешным еси Споручница, подаваеши благодать и исцеление, яко Мати всех Царствующаго: моли Сына Твоего получитьи нам милость в День судный.

14/27 марта, также 16/29 августа

Иконы Божией Матери «Феодоровская»

*Тропарь, глас 4-й*

Днесь светло красуется преименитый град Кострома и вся Русская страна, созывающи к веселию вся боголюбивыя народы христианския, на преславное торжество Божия Матере, пришествия ради чудотворнаго Ея и многоцелебнаго образа, днесь бо явился нам пресветлое великое солнце, приидите, вси Богоизбраннии людие, новый Израиль, ко источнику цельбоносному, источает бо нам неоскудныя милости Пресвятая Богородица и избавляет вся грады и страны христианския невредимы от всех навет вражиих. Но, о Всемиловитая Госпоже Дево Богородице Владычице, спаси страну нашу, и архиереи, и вся люди Твоего достояния от всех бед по велицей Твоей милости, да зовем Ти: радуйся, Дево, христианом похвало.

*Другой тропарь, глас тот же*

Пришествием честныя Твоя иконы Богоотроковице, обрадованный днесь Богохранимый град Кострома якоже древний Израиль к кивоту Завета, притекает ко изображению лица Твоего, и воплотившагося от Тебе Бога нашего, да Твоим Матерним к Нему предстательством присно ходатайствуеши всем, под сень крова Твоего прибегающим, мир и велию милость.

*Кондак, глас 8-й*

Притецем, людие, вси к тихому и доброму пристанищу, в дом Божия Матере, чудному образу Царицы и Богородицы, за неизреченную милость Ея явленному, верно припадающе и вопиюще: о Всемиловитая Владычице, за спасительное Твое смотрение, чуднаго образа к нам пришествие, посети нас, грешных, светло сотворяющих празднество Твое, укрепи страну нашу, дивно на враги победу подающи, и веру утверди. Церковь Сына Твоего непоколебиму соблюди, притекающих к Тебе спаси, от всяких напастей избави, сохраняющи в мире все Православие, да зовем Ти: радуйся, Невесто Невестная.

*Другой кондак, глас тот же*

Благодарственная приносяще Ти, раби Твои, Богородительнице, о всех, **имиже** **благодее**ла еси граду нашему, из глубины души **взываем** к Тебе и **мили** ся **деем**: не престани, Владычице, Матерними к Сыну Твоему и Богу нашему **молитвами** **подавати** вся **благая** и **спасительная** всем, верою и любовью **вопиющим** Ти: **радуйся**, Дево, христиан похвало.

19 марта/1 апреля

Иконы Божией Матери «Умиление»

*Тропарь, глас 4-й*

К Богородице с умилением припадем, **вси** грехми **обремененнии**, чудотворную Ея икону Умиление **облобызающе** и **вопиюще** со слезами: Владычице, **приими** **моление** **недостойных** раб Твоих и **подаждь** нам, **просящим**, **велию** Твою **милость**.

*Кондак, глас 3-й*

**Ю**же **подражая** **неплодную** **смоковницу**, аз **окаянный**, **умиления** **плода** **отнюд** не **приношу** и **посечения** **страшуся**, но, **взирая** к **чудотворней** **иконе** Твоей **Умиления**, Владычице, **стеню** от сердца и **вопию**: **умилися**, **Благосердая**, и **мне**, **окамененному** **сердцем**, **благоволи** **подати** **душевное** и **сердечное** **умиление**.

3/16 апреля

Иконы Божией Матери «Неувядаемый цвет»

*Тропарь, глас 5-й*

Преблагословенная Богородице Дево, **поклоняемся** Твоему **Пречистому** **образу**, Тебе **поем** **хвалебную** **песнь**, Тебе **приносим** **нужды**, **горе** и **слезы**, Ты же, о **кроткая** **Заступница** **наша**, Тебе так **близки** **земныя** **печали**. **Приими** **наша** **воздыхания**. **Помози** нам и **от** **бед** **спаси**. **Неустанно** **бо** и **со** **умилением** **да** **зовем** Ти: **радуйся**, **Мати** **Божия**, **Цвете** **неувядаемый**.

*Кондак, глас 6-й*

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

18 апреля/1 мая

Иконы Божией Матери Максимовская

*Тропарь, глас 4-й*

Днесь светло красуется славнейший град Владимир, радостно совершая, Владычице, праздник явления Твоего святителю Максиму, в нем бывшаго, о немже ныне воспоминающе и молящеся Тебе, взываем сице: о пречудная Владычице Богородице, молися Превечному Архиерею, Сыну Твоему, да непоколебиму утвердит Церковь Православную, град наш Владимир и всю Русскую землю в мире сохранит и спасет в правоверии души наша.

*Кондак, глас 6-й*

Призри на нас, Всепетая Богородице, возсияй просвещение сердцем помраченным и озари стадо Твое, Пречистая, елика бо хочещи и можещи, яко Мати сущи Зиждителя, и возопий молящим Тя: Аз есмь с вами и никтоже возможет на вы.

апреля/8 мая,

также 17/30 сентября

Иконы Божией Матери Цареградская

*Тропарь, глас 1-й*

Возсия нам, яко солнце светозарное от востока в велелепии, Твоя, Владычице, икона, озаряющи чудес сиянием преславно всех, приходящих к ней с верою и любовию и молящихся усердно к Твоему, еже о Сыне Твоем и Бозе, величию. Слава Богу, Евфросином сию давшему нам, слава Приведшему ю от Царьграда, слава Дающему тою всем исцеления.





предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

7/20 мая

Иконы Божией Матери Жировицкая

*Тропарь, глас 2-й*

Помощи от Тебе требующия не презри, Владычице, и милосердия бездну отверзи всем притекающим к цельбоносней иконе Твоей. Печали наша житейския утоли, Всещедрая, и от юдоли сея плачевныя к радости вечней верныя Твоя престави. Тебе бо вси стяжахом надежду и утверждение, милости источник, покров и спасение душ наших.

*Другой тропарь, глас 5-й*

Пред святою Твоею иконою, Владычице, молящися исцелений сподобляются, веры истинныя познание приемлют и агарянская нашествия отражают. Темже и нам, к Тебе припадающим, грехов оставления испроси, помыслами благочестия сердца наша просвети и к Сыну Твоему молитву вознеси о спасении душ наших.

*Кондак, глас 4-й*

Величия Твоя кто исповесть, Пресвятая Дево, Творца всех Христа Бога Рождшая? Едина бо еси Мати и Дево, преблагая, препрославленная, упование наше, источник благодости, верным прибежище и миру спасение.

21 мая/3 июня

Иконы Божией Матери Красногорская

или Черногорская

*Тропарь, глас 2-й*

Радуйся, святая горо Красная, небеси подобная, слава бо Божия на тебе возсия. Взыгряйте горы и холми веселием яко на сей горе икона Божия Матере.

Взырание, горы и холмы, востанем, яко на септ горе икона Божия Матере, честнаго Ея умиления, прославися. Ликуйте, человецы, и веселитесь, яко нам даровася богатство неотъемлемое, исцелений сокровище; гласы, якоже трубы, возшумите, прославляюще Ея чудеса преславная. И Ты, Чистая, радуйся, яко с Тобою Господь.

*Кондак, глас 3-й*

На горе святей видяще Твою святую икону, Богородице, Мати Дево, поем Твоего светообразнаго лика изображение, поклоняемся Твоей святей иконе, почитаем оную, и славим тоя преславная чудеса, и сице зовем Тебе: радуйся, Невесто Невестная.

21 мая/3 июня, также 23 июня/6 июля

и 26 августа/8 сентября

Иконы Божией Матери Владимирская

*Тропарь, глас 4-й*

Днесь светло красуется славнейший град Москва, яко зарю солнечную восприимши, Владычице, чудотворную Твою икону, к нейже ныне мы притекающе и молящися Тебе взываем сице: о Пречудная Владычице Богородице, молися из Тебе воплощенному Христу Богу нашему, да избавит град сей и вся грады, и страны христианския невредимы от всех навет вражиих и спасет души наша, яко Милосерд.

*Кондак, глас 8-й*

Взбранной Воеводе победительная, яко избавльшися от злых пришествием Твоего честнаго образа, Владычице Богородице, светло сотворяем празднество сретения Твоего и обычно зовем Ти: радуйся, Невесто Невестная.

28 мая/10 июня

Иконы Божией Матери Никейская

*Тропарь, глас 4-й*

Бысть чрево Твое святая трапеза, имущи Небеснаго Хлеба, Христа, от Негоже всяк ядый не умирает, якоже рече всяческих, Богородице, Питатель.

*Кондак, глас 6-й*

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

3/16 июня

Иконы Божией Матери Югская

*Тропарь, глас 4-й*

Днесь, яко солнце пресветлое, возсия нам на воздухе всечестная икона Твоя, Владычице, лучами милости мир просвещаючи, юже великая Россия, яко некий дар Божественный, свыше благоговейне восприемши, прославляет Тя, Богомати, всех Владычицу, и от Тебе рождшагося Христа Бога нашего величает радостно. Емуже молися, о Госпоже Царице Богородице, да сохранит вся грады и страны христианския невредимы от всех навет вражиих и спасет верою поклоняющихся Его Божественному и Твоему Пречистому образу, Дево неискусобрачная.

*Кондак, глас 8-й*

Притецем, людие, к Деве и Богородице Царице, благодаряще Христа Бога нашего, и к Тоя чудотворней иконе умильне взирающе, припадем и возопием Ей: о Владычице Марие, присетивше страну сию Твоего честнаго образа явлением чудесно, спасай в мире и благовременстве страну нашу и вся христианы, наследники показующи небесныя жизни, Тебе бо верно зовем: радуйся, Дево, миру спасение.

8/21 июня

Иконы Божией Матери Урюпинская

*Тропарь, глас 3-й*

Явилася еси на древе в Донской земли благодатная Твоя икона, Богородице, больныя исцеляти, заблуждшия обращати; темже умильно молимся Тебе: избави град наш от всякаго зла и спаси люди, к Тебе притекающия.

*Кондак, глас 5-й*

Всеблагая чистая Богородице, к Тебе прибегаем, вернии, Тобою бо познахом милость Божию, чудную икону Твою, от неяже вси здравие и спасение приемлем.

11/24 июня

Иконы Божией Матери «Достойно есть»

или «Милующая»

*Тропарь, глас 4-й*

Отцев все Афонское множество, соберитесь, верно празднующе днесь радующеся и светло восклицающе вси в веселии, Божия бо Мати от Ангела преславно воспевається. Темже, яко Богородицу, присно Сию славим.

*Другой тропарь, глас тот же*

Притецем вернии со дерзновением к Милующей Царице Богородице и умиленно воззовем к Ней: низпосли на ны милости Твоя богатыя: град сей избави от всякаго обстояния, мир даруй миру и спасение душам нашим.

*Кондак, глас 4-й*

Празднует днесь весь Афон, яко песнь прият от Ангела чудно Тебе, чистей Богоматери, Юже вся тварь чтит, славящи.

*Другой кондак, глас 8-й*

Архангельский глас вопием Ти, Всецарице: достойно есть, яко воистинну блажити Тя, Богородицу, Присноблаженную и Пренепорочную и Матерь Бога нашего.

18 июня/1 июля

Иконы Божией Матери Боголюбская

*Тропарь, глас 1-й*

Боголюбивая Царице, неискусомужная Дево Богородице Марие! Моли за ны Тебе возлюбившаго и рождшагося от Тебе Сына Твоего Христа Бога нашего, подати нам оставление прегрешений, мирови мир, земли плодов изобилие, пастырем святыню и всему человечу роду спасение. Грады наша и всю землю Российскую от нахождения иноплеменных заступи и от междоусобныя брани сохрани. О Мати Боголюбивая Дево! О Царице всепетая! Ризою Твоею покрый нас от всякаго зла, от видимых и невидимых враг защити и спаси души наша.

*Другой тропарь, глас тот же*

Всепетая и всеславная Царице, Мати всея твари Содетеля, христианская надеждо и заступнице, печальных утешение, ненадеющихся и отчаявшихся скорое надеяние! Молим Тя, милостива буди нам, грешным, и не остави раб Своих, и не отрини моления верных, в скорбех и бедах пред честным образом Твоим избавления требующих. О Владычице, благая помощнице! Ризою Твоею честною нас защити и от всех зол избави, молящи Сына Твоего, Христа Бога нашего, да спасет души наша, яко Милосерд.

*Кондак, глас 3-й*

Дева днесь предстоит Сыну, руце Свои к Нему простирающи, святыи князь Андрей радуется, и с ним Российская страна торжествует, нас бо ради молит Богородица Превечнаго Бога.

26 июня/9 июля

Иконы Божией Матери Тихвинская

*Тропарь, глас 4-й*

Днесь, яко солнце пресветлое, возсия нам на воздухе всечестная икона Твоя, Владычице, лучами милости мир просвещающи, юже великая Россия, яко некий дар Божественный свыше благоговейне восприимши, прославляет Тя, Богомати, всех Владычицу, и от Тебе рождшагося Христа Бога нашего величает радостно. Емуже молися, о Госпоже Царице Богородице, да сохранит вся грады

радостно. Ему же молися, о Тобоже Царице Богородице, да сохрани все грады и страны христианския невредимы от всех навет вражиих и спасет верою поклоняющихся Его Божественному и Твоему пречистому образу, Дево неискусобрачная.

*Кондак, глас 8-й*

Притецем, людие, к Деве Богородице Царице, благодаряще Христа Бога, и к Той чудотворней иконе умильно взирающе, припадем и возопием Ей: о Владычице Марие! Присетивши страну сию Твоего честнаго образа явлением чудесно, спасай в мире и благовременстве вся Христианы, наследники показующи небесныя жизни, Тебе бо верно зовем: радуйся, Дево, мира спасение.

28 июня/11 июля, также 12/25 июля

Иконы Божией Матери «Троеручица»

*Тропарь, глас 4-й*

Днесь всемирная радость возсия нам велия, даровася святей горе Афонстей цельбоносная Твоя, Владычице Богородице, икона, со изображением тричисленно и нераздельно пречистых рук Твоих, в прославление Святыя Троицы: созываеши бо верных и молящихся Тебе о сем познати, яко двема имаши Сына и Господа держати, третию же яви на прибежище и покров чтущим Тя от всяких напастей и бед избавляти, да вси притекающия к Тебе верою, приемлют от всех зол освобождение, от врагов защищение. Сего ради и мы вкупе со Афоном вопием: радуйся, Благодатная, Господь с Тобою.

*Кондак, глас 8-й*

Днесь веселое наста ныне Твое торжество, Богомати пречистая; вси вернии исполнишася радости и веселия, яко сподобльшиися изрядно воспети предивное явление честнаго образа Твоего и рождшагося из Тебе Младенца, истинна же Бога, Егоже двема руками объемиши, и третиею от напастей и бед нас изымаеши и избавляеши от всех зол и обстояний.

30 июня/13 июля

Иконы Божией Матери Волынская

*Тропарь, глас 4-й*

Заступнице земли Российския от нашествия Свейскаго и непрестанная за нас молитвеннице, мир земли и душам нашим у Господа испроси, да святится в нас имя Божие во веки.

*Кондак, глас 6-й*

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

2/15 июля

Иконы Божией Матери Ахтырская

*к Тропарь, глас 4-й*

Преблагословенная Дево, Богородительнице чистая, у Креста Сына Твоего и Бога нашего предстоящи, скорбь велию претерпела еси и благодать от Него прияла еси сущия в скорбех утешати. Темже на пречистый образ Твой благоговейно взирающе и изображенную Тя на нем пред Крестом Спаса нашего видяще, умиленно к Тебе вопием: Заступнице усердная, благая и милостивая! Ускори избавити ны от всякия скорби, нужды и болезни и спаси души наша, да Тя со благодарением славим во веки.

*Кондак, глас 8-й*

Притецем, вернии, к благодатному милостей и щедрот источнику – чудотворному Пречистыя Девы образу: сей бо нам свыше даровася, душам и телесем во спасение, емуже поклоняющесея с любовию, возопием к Богородице, о Всепетая Мати, о Царице Всемиловитая, покрый и соблюди нас от всякаго зла Твоим к Богу Матерним предстательством.

5/18 июля

Иконы Божией Матери «Экономисса»



*Тропарь, глас 4-й*

Предстательство страшное и непостыдное, не презри, Благая, молитв наших, Всепетая Богородице, милостивая верных Домостроительнице, утверди православных жительство, спаси страну нашу и всех православно живущих в ней защиты, зане родила еси Бога, едина Благословенная.

*Кондак, глас 6-й*

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

10/23 июля

Иконы Божией Матери Коневская

*Тропарь, глас 1-й*

Возсия нам, яко солнце светозарное, от востока в велелепии Твоя, Владычице, икона, озаряющи чудес сиянием преславно всех непрестанно приходящих к ней с верою и любовию, и молящихся усердно Твоему еже о Сыне Твоем и Бозе величию. Слава Богу, Арсением сию давшему нам, слава Возвратившему =ю от Новаграда, слава Действующему тою всем исцеления.

*Кондак, глас 8-й*

Препрославленная Вышняго Мати созывает к песнопению нас Своего образа пришествием от Новаграда, и возбуждает зрением того на подвиг, побеждати сопротивных силу, и к Ней, яко наша радости виновней, пети: радуйся, Невесто Невестная.

16/29 июля

Иконы Божией Матери Чирская (Псковская)

*Тропарь, глас 4-й*

**Я**ко необоримую стену и источник чудес, стяжавше Тя, раби Твои, Богородице Пречистая, сопротивных ополчения низлагаем. Темже молим Тя: мир граду Твоему даруй и душам нашим велию милость.

*Кондак, глас 4-й*

Честнаго образа Твоего знамение празднующе, людие Твои, Богородительнице, имже дивную победу на сопротивных граду Твоему даровала еси, темже Тебе верою взываем: радуйся, Дево, христиан похвало.

18/31 июля, 2/15 июля

Иконы Божией Матери Калужская

*Тропарь, глас 4-й*

Заступнице от враг иноплеменных необоримая Калужския земли и избавительнице от смертоносных язвы, Милостивая! Избави рабы Твоя от всяких бед и болезней, с верою и любовью прибегающия к чудотворней иконе Твоей, и спаси души наша.

*Кондак, глас 6-й*

Не имамы песней, ниже Словес, како достойно восхвалити Тя, Мати Христа Бога нашего, явления ради чудотворных иконы Твоея земли Калужстей, токмо можем вопити Тебе: не отврати милости Твоея от нас и низпосли ю всем притекающим к цельбоносней иконе Твоей.

28 июля/10 августа

Иконы Божией Матери Смоленская

«Одигитрия»

*Тропарь, глас 4-й*

К Богородице прилежно ныне притецем, грешнии и смиреннии, и припадем, в покаянии зовуще из глубины души: Владычице, помози, на ны милосердовавши, потщися, погибам от множества прегрешений, не отврати Твоя рабы тщи Тя

потщися, избави нас от множества прегрешений, не отврати Твоя раба Твоя, Твоя бо и едину надежду имамы.

*Другой тропарь, глас 4-й*

Не умолчим никогда, Богородице, силы Твоя глаголати, недостойнии. Аще бо Ты не бы предстояла молящи, кто бы нас избавил от толиких бед? Кто же бы сохранил донныне свободны? Не отступим, Владычице, от Тебе: Твоя бо рабы спасаеши присно от всяких лютых.

*Кондак, глас 6-й*

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву и потщися на умоление, предстательствующи присно, Богородице, чтущих Тя.

28 июля/10 августа

Иконы Божией Матери Гребневская

*Тропарь, глас 8-й*

Днесь, яко солнце пресветло, просия в Российстей стране, в конце ея полуденнем, всечестная икона Твоя, Владычице, юже благоверный великий князь Димитрий в град Москву принесе. Светло празднуем, благовернии людие, честнаго образа пришествие, молящися прилежно: Владычице Богородице, молися Сыну Твоему, Христу Богу нашему, избавити град Москву, страну нашу и вся православныя христианы от варварскаго пленения и междоусобныя брани, и всех навет вражиих, Тебе бо Едину Заступницу имамы.

*Кондак, глас тот же*

От святыя иконы Твоя, Богородице Дево, источаются исцеления, яко реки многи, яже видевшие, российстии людие, сице глаголем: о Пресвятая Владычице Богородице, не забуди грешных раб Твоих, молящихся Христу Богу нашему спастися нам.

8/21 августа

## Иконы Божией Матери Толгская

### *Тропарь, глас 4-й*

Днесь светло сияет на Толге образ Твой, Пречистая Дево Богородице, и яко солнце незаходимое, всегда верным подадешся, егоже видеви на воздухе невидимо Ангелы, яко никим держима, преосвященный епископ града Ростова Трифон, тече ко явленному светящемуся столпу огненну и по водам яко по суху преиде: и моляшешся Ти верно о пастве и о людех. И мы к Тебе притекающе зовем: Пресвятая Дево Богородице, верно Тя славящих спасай, страну нашу, архиереев и вся православныя народы от всех бед избавляй по велицей Твоей милости.

### *Кондак, глас 8-й*

Чудное и богоприятное светоноснаго зрака Твоего явление, Пречистая Дево, с верою взирающим бывает известное чаяние спасения, столпом бо огненным являющи предстательство, неусыпное и теплое за ны к Богу возсылаеши моление, имже страну Российскую от всяких бед избави, молимся, да радостными усты вопием Ти вси: радуйся, Предводительнице вечнаго блаженства.

13/26 августа и в Неделю всех святых

## Иконы Божией Матери «Умягчение злых сердец» или «Семистрельная»

### *Тропарь, глас 5-й*

Умягчи наша злая сердца, Богородице, и напасти ненавидящих нас угаси, и всякую тесноту души нашея разреши, на Твой бо святыи образ взирающе, Твоим состраданием и милосердованием о нас умиляемся и раны Твоя лобызаем, стрел же наших, Тя терзающих, ужасаемся. Не даждь нам, Мати благосердная, в жестокосердии нашем и от жестокосердия ближних погибнути, Ты бо еси воистинну злых сердец умягчение.

### *Кондак, глас 2-й*

Благодатию Твоею, Владычице, умягчи сердца злодеев, низпосли благодетелей, соблюдающих их от всякаго зла, благомолящимся Ти усердно пред честными иконами Твоими.

13/26 августа

Иконы Божией Матери «Страстная»

*Тропарь, глас 4-й*

Днесь возсия неизреченно царствующему граду нашему Москве икона Богоматере, и яко светозарным солнцем, пришествием тоя озарися весь мир. Небесныя силы и души праведных мысленно торжествуют, радуящися, мы же на ню взирающе, к Богородице со слезами вопием: о, всемилостивая Госпоже Владычице Богородице, молися из Тебе воплощенному Христу Богу нашему, да подаст мир и здравие всем Христианом по велицей и неизреченней Своей милости.

*Кондак, глас 3-й*

Благодать прияхом нетления, еже даровала еси нам, спасительнаго Твоего целения чудотворным Твоим образом честным, Богородице Дево, темже вопием Ти и с радостию зовем: Госпоже Царице, молим ти ся умильно, грешнии, со слезами, глаголюще: о Пресвятая Владычице, скорое нам яви заступление и помощь, спаси ны от супостат наших, и от всякия скорби соблюди, землю нашу миром огради, и вся люди Твоя покрый, и соблюди на Тя уповающия, потщися избавити, да не погибнем зле, раби Твои, но да зовем Ти: радуйся, Невесто Невестная.

19 августа/1 сентября

Иконы Божией Матери Донская

*Тропарь, глас 4-й*

Заступнице верных преблагая и скорая, Пречистая Богородице Дево! Молим Тя пред святым и чудотворным образом Твоим, да якоже древле от него заступление Твое граду Москве даровала еси, тако ныне и нас от всяких бед и напастей милостиво избави, и спаси души наша, яко милосердая.

*Кондак, глас 2-й*

Небесныя обители преселившаяся с плотию, сущия на земли никакоже оставила еси. Богородице. образ Божественный и многочлудный Пречистаго Лица

Твоего зрети любящим Тя и поклоняться даровала еси, яко знамение Твоя благодати, чтим его лобызающе.

22 августа/4 сентября

Иконы Божией Матери Грузинская

*Тропарь, глас 4-й*

Днесь светло красуется обитель Красногорская, и с нею ликовствует Раифская пустыня, яко зарю солнечную, от востока возсиявшую, восприимши, Владычице, чудотворную Твою икону, еюже разгоняеши мглу искушений и бед от вопиющих верно: избави обитель нашу и вся страны христианския от всех навет вражиих и спаси души наша, яко милоседная Заступница рода христианскаго.

*Кондак, глас 8-й*

Тебе, избранней от всех родов Божией Матери, благодарственная пения приносим, пришествием честныя Твоя иконы, раби Твоя, да зовем Ти: радуйся, Невесто Невестная.

В пятницу Светлой седмицы

Иконы Божией Матери «Живоносный Источник»

*Тропарь, глас 2-й*

Источник еси воистинну воды живыя, Владычице, недуги бо душ и телес лютыя прикосновением единым Твоим измываеши, Воду спасения Христа изливающи.

*Другой тропарь, глас 4-й*

Днесь притецем вернии к Божественному и цельбоносному образу Пресвятыя Богородицы, излившая капли своих излиятий, и людем верным чудес показавшая, яже мы видяще и слышаще, духовно празднуем и любезно вопием исцелити наши недуги и страсти, якоже и каркинския и тьмочисленныя страсти исцелила еси. Темже молим Тя, Дево Пречистая, моли воплощеннаго из Тебе Христа Бога нашего спастися душам нашим.

*Кондак, глас 8-й*

От неистощимыя Тя, Источниче Богоблагодатный, подаеши ми, точащи воды Твоея благодати, приснотекущий паче слова. **Яко бо Слово рождшая паче смысла, молю Ти ся, ороси мя благодатию, да зову Ти: радуйся, Вода спасительная.**

Иконы Божией Матери «Прибавление ума»

*Тропарь, глас 3-й*

Волею Отца Небеснаго зачала Сына Божия, без семене земнаго отца, прежде творения мира от Отца без матере рожденнаго, плотию родила еси, Егоже моли о даровании нам ума ко спасению душ наших.

*Кондак, глас 6-й*

Рожденнаго Духом от Отца Небеснаго, прежде сотворения денницы, Тобою плотию Рожденнаго без отца, не нарушив девства, Того умоли помочь нам победить завистию одержимаго падшаго денницу. Да одержим полную победу над диаволом, миром и плотию, Твоими молитвами, Богоневестная.